

Ғ.Ақтаев атындағы №6 мектеп-гимназиясы

«Жас Сарбаз» әскери-патриоттық клубының жұмыс бағдарламасы

**АӘД пәнінің мұғалім-ұйымдастырушысы
Абилкайыров Р.С.**

Ақтөбе қаласы

Жас Сарбаз әскери-патриоттық клубының жұмыс бағдарламасы

Оқушыларға тәрбие берудің негізгі бағыттарының бірі әскери-патриоттық бағытта тәрбиелеу болып табылады. Туған жеріне, еліне, тәуелсіз мемлекетіміздің конституциясы мен заңды сайланған президентіне адал қызмет ететін болашақ Отан қорғаушы жауынгерлерді дайындау мектеп қабырғасынан басталады. Егеменді еліміз Қазақстан Республикасының тәуелсіздігінің кепілі оның Қарулы Күштері болса, оның тәуелсіздігін қамтамасыз ететін саяси шындалған, шыншыл әрі батыл, қайсар да қайратты және жауапкершілігі жоғары жауынгерлерді даярлау ісімен мектеп қабырғасында жұмыс жасайтын әскери-патриоттық клубтар жүзеге асырады. Қарулы Күштер қатарында қызмет етудің мәртебесін арттыру, әскерге дейінгі жастардың дайындығын жоғарылату, мемлекеттік рәміздер мен нышандарға құрмет көрсету сезімдерін дарыту ісі де әскери-патриоттық клубтарға жүктеледі.

Жас Сарбаз әскери-патриоттық клубының тәрбие беру бағыты

- Мемлекетіміз Қазақстан Республикасына шын берілген патриоттарды тәрбиелеу
- Спорт жөнінен шындалған, шымыр, қайратты, дені сау жастарды даярлау
- Жастарды Қарулы Күштер қатарындағы қызметке даярлау
- Қазақстандық патриотизм, интернационализм бағытында тәрбиелеу

Жас Сарбаз әскери-патриоттық клубының құрылымы

Әскери-патриоттық клубына мүше ретінде 9-11 класс аралығындағы Ғ.Ақтаев атындағы №6 мектеп-гимназиясының оқушылары тартылады. Клубқа жетекшілік ету қызметі мектеп директорына, тікелей жаттығулар мен сабақтарды жүргізу міндеті әскери жетекшіге, дене шынықтыру пәнінің мұғалімдеріне, директордың тәрбие ісі жөніндегі орынбасарына, тәлімгерге, директордың бұйрығымен жүктеледі. Клубқа қабылданбас бұрын тілек білдіруші оқушы медициналық комиссияның «денсаулығының жарамдылығы туралы» рұқсат қағазын әкелуі шарт. Сонымен қатар ата-ананың арызы мен сабақ беруші пән мұғалімінің немесе класс жетекшісінің ұсынысымен қабылданады. Клуб мүшелері толық анықталған соң клуб мүшелері арасынан бөлімше командирі тағайындалады. Республика мерекесіне орай «Мәңгі алау» алдында салтанатты түрде клуб мүшелеріне мүшелік билет табыс етіледі. Салтанатты жиында клуб мүшелері клуб жұмысына адал қызмет етуге ант береді.

АНТ МӘТІНІ

Мен (Тегі.Аты-жөні),Жас Сарбаз әскери-патриоттық клубына мүше ретінде қабылдана отырып салтанатты түрде ант етемін: Туған елім Қазақстан Республикасының адал ұлы және нағыз патриоты болуға ант етемін.

Ата-бабаларымыздың ерлік рухына тағзым ете отырып, әскери салт-дәстүрлерді сақтай отырып, өзімді еліміздің батыл әрі шыншыл, қайсар және білімді, жауапкершілігі жоғары әрі тәртіпті қорғаушысы болу үшін дайындауға ант етемін. Әрдайым ерінбей еңбек етуге, жалықпай білім алуға, үлгілі тәртібіммен, әскери даярлығыммен тәуелсіз еліміз Қазақстан Республикасының жан-жақты азаматы болуға ант етемін.

Жас Сарбаз әскери-патриоттық клубы мүшелерінің міндеттері

- клуб жұмысына белсене араласуға, жаттығулар мен сабақтарға әрдайым қатысып отыруға. Себепсіз жаттығуларды жібермеуге
- жаттықтырушының, әскери жетекшінің, бөлімше командирінің барлық бұйрықтары мен жарлықтарын бұлжытпай орындауға
- қасындағы жолдастарын «теріс әрекеттерден» сақтандыруға
- қиындықтардан қорықпауға, өз клубын мақтаныш тұтуға
- оқуда, сабаққа зейінімен және үлгілі тәртібімен алда болуға
- Соғыс,еңбек ардагерлеріне көмек көрсетуге

БӨЛІМШЕ КОМАНДИРІНІҢ МІНДЕТТЕРІ

- үлгілі тәртібімен, қажырлы еңбегімен,жан-жақтылығымен және жауапкершілігімен әрдайым алда болуға
- Бөлімше құрамындағы оқушыларды, олардың мекен-жайын, тұрмыс жағдайын, қызығушылығын толық білуге
- Әскери жетекшімен, жаттықтырушылармен біріге отырып сабақтар мен жаттығуларды ұйымдастыруға
- Айына 2 (екі) рет клуб мүшелерімен жиналыстар өткізуге
- Әскери жетекшімен бірлесіп, әскери бөлімдерге, тарихи мұражайларға экскурсиялар ұйымдастыруға
- Соғыс,еңбек ардагерлеріне көмек көрсету кезінде клуб мүшелерін ұйымдастыруға
- ҰОС ардагерлерімен, жауынгер-интернационалистермен және оқшауланған соғыстардың ардагерлерімен кездесулерді ұйымдастыруға
- Спорттық жарыстар мен әскери-саптық жарыстарды ұйымдастыруға

Жас сарбаз әскери-патриоттық клубының мүшелерін ынталандыру мақсатында марапаттау әдістері

Жаттығулар мен сабақтар барысында сонымен қатар әртүрлі жарыстар мен қайырымдылық көмектер көрсету барысында клуб мүшелерін ынталандыру үшін әртүрлі марапаттау әдістері қолданылады.

- салтанатты линейкаларда алғыс жариялау
- мақтау қағаздарымен марапаттау
- мектепшілік әскери ту алдында фотосуретке түсіру
- бағалы сыйлықтармен марапаттау

Тәртіпті бұзған немесе қабылдаған антын бұзған клуб мүшелеріне тәртіптік жазалар қолданылады.

- ескерту жасау
- сөгіс жариялау
- клуб жұмысынан 1 (бір) ай мерзімге аластау
- клуб мүшесі қатарынан шығару

Жас Сарбаз атындағы әскери-патриоттық клубының ұйымдастырылуы

Клубтың міндетті түрде өзіне тән әскери нышаны, эмблемасы, саптық өлеңі, әскери ұраны болуы қажет.

Клуб мүшелері әскери-саптық жарыстарға, спорттық жарыстарға (еркін күрес, дзю-до, бокс т.б.), Интеллектуалды жарыстарға (XXI ғасыр көшбасшысы, жігіттің сұлтаны, мың бір сұрақ, тарих тағылым) қатыстырылады.

Клуб мүшелері әскери сабақтар мен жаттығуларға «далалық әскери киіммен», спорттық жаттығуларға спорттық киіммен қатыстырылуы шарт. Мектеп бітірушілерге әскери оқу орынына түсуге тілек білдірген жағдайда оқу орынына «ұсыныс хат» жолданады.

Жас Сарбаз әскери-патриоттық клубының қаржылай шығынын қамтамасыз ету

Әртүрлі іс-шараларды өткізу кезіндегі шығындарды ескере отырып клуб мүшелері 1 (бір) айда 1 (бір) рет мүшелік жарна төлейді. Мүшелік жарна көлемі клуб мүшелерінің шешімімен бекітіледі. Қаржының жұмсалыу есебін жүргізу үшін клуб мүшелері арасынан есепші тағайындалады. Әр жарты жыл соңында бөлімше алдында, клуб есепшісі жиналған жарналардың жұмсалыуы туралы есеп береді. Көлемді іс-шараларды өткізу кезінде демеуші ретінде ата-аналар, жеке тұлғалар, мектеп әкімшілігі тартылады.

Бекітемін:
Мектеп-гимназиясы директоры:

Ж.О.Романова

« 01 » 09 2023 жыл



Жас Сарбаз әскери-патриоттық клубының 2023-2024 жылға арналған іс-шаралар тақырыбы

№	Өткізілетін іс-шаралар	Айы	Жауапты мұғалімдер
1	Клубқа мүшелерді қабылдау, клубтың жоспарымен таныстыру. Төрт сайыс түрінен жарыс. Қашықтыққа жүгіру. Белтемірге тартылу сайысы. Пневматикалық мылтықтан оқ ату сайысы. Қол гранатасын лақтыру сайысы.	Қыркүйек	Әскери жетекші, ДТІЖО орынбасары, Дене шынықтыру пәнінің мұғалімдері
2	«Жас ұлан» әскери-спорттық сайысы .(Қалалық)	Қазан	Әскери жетекші, ДТІЖО орынбасары, Тәлімгер.
3	ҰОС және еңбек ардагерлеріне, жалғызбасты қарияларға көмек көрсету.	Қараша	ДТІЖО орынбасары, Дене шынықтыру пәнінің мұғалімдері, Тәлімгер.
4	16 желтоқсан тәуелсіздік күніне арналған «Жас жауынгер 2023» жарысы. Белсенді клуб мүшелерін марапаттау. Клуб есебінің жарты жылдық есебі	Желтоқсан	Әскери жетекші, ДТІЖО орынбасары
5	«Жас шаңғышы» шаңғы спортынан сайыс. Жауынгер-интернационалистермен кездесу. ҰОС және еңбек ардагерлеріне, жалғызбасты қарияларға көмек көрсету	Қаңтар	Әскери жетекші, ДТІЖО орынбасары, Дене шынықтыру пәнінің

			мұғалімдері. класс жетекшілері.
6	«Мерген Сарбаз» сайысы. Ауған соғыс ардагерлерімен кездесу. ҰОС және еңбек ардагерлеріне, жалғызбасты қарияларға көмек көрсету. Өлкетану мұражайына экскурсия.	Ақпан	Әскери жетекші, ДТІЖО орынбасары, Дене шынықтыру пәнінің мұғалімдері, класс жетекшілері.
7	Ұлттық ойындар (қазақша күрес,гір тасын көтеру,т.б.) сайысы. ҰОС және еңбек ардагерлеріне, жалғызбасты қарияларға көмек көрсету.	Наурыз	Әскери жетекші, ДТІЖО орынбасары, Дене шынықтыру пәнінің мұғалімдері, класс жетекшілері. Тәлімгер.
8	Жеңіл атлетикалық сайыстар. ҰОС және еңбек ардагерлеріне, жалғызбасты қарияларға көмек көрсету. № 30238 әскери бөліміне экскурсияға бару	Сәуір	Әскери жетекші, ДТІЖО орынбасары, Дене шынықтыру пәнінің мұғалімдері. Класс жетекшілері.
9	ҚР Қарулы Күштерінің құрылған күніне және Ұлы Жеңіс күніне арналған әскери өлеңдер байқауы, «Мистер-2024» сайысы. ҰОС ардагерлерімен және Қарулы Күштер ардагерлерімен кездесулер өткізу.	Мамыр	Әскери жетекші, ДТІЖО орынбасары, Дене шынықтыру пәнінің мұғалімдері. Класс жетекшілері. Тәлімгер.
10	Әскери-далалық жиын. № 6655 әскери бөліміне экскурсияға бару.	Мамыр	Әскери жетекші

11	Әскери-спорттық клуб мүшелерін марапаттау. Клуб есешісінің қорытынды есебі	Мамыр	Әскери жетекші, ДТІЖО орынбасары, Дене шынықтыру пәнінің мұғалімдері. Тәлімгер.
12	Айына 2 (екі) рет бөлімше командирі клуб мүшелерімен жиналыстар жүргізіп, хаттама толтырылады.		Әскери жетекші, Бөлімше командирі.

Аптасына 2 (екі) рет клуб мүшелерімен дзю-до және еркін күрес түрінен жаттығулар сонымен қатар әскери саптық даярлық түрінен жаттығулар жүргізіледі. (жеке жоспар бойынша)